


大寶積經

籍

第七十六

八十  
皇六

47584



佛  
 皇  
 日  
 增  
 輝  
 兼  
 輪  
 帶  
 轉  
 置  
 山  
 城  
 州  
 天  
 安  
 寺  
 法  
 金  
 剛  
 院  
 置

元祿九年丙子二月日重脩





大寶積經卷第七十六

高齊三藏那連提耶舍譯

皇

菩薩見寶會第十六之十六

四轉輪王品第二十六之二

大王過去有王名曰地天如法為王名為法

王七寶具足所謂輪寶象寶馬寶明珠寶玉

女寶長者寶主兵寶是名七寶大王彼地天

王父名曰地生彼地生王臨命終時其地天

最為長子其地生命終之後輔相大臣灌地

天頂以為大王即為刹利灌頂大王時地天

王既為刹利灌頂王已於十五日月盛圓滿

受齋之日沐浴洗頭剪除鬚髮及以爪甲已



著新淨衣以諸華鬘種種瓔珞天冠臂印環  
釧耳栗莊嚴其身在高樓上姝女圍遶即於  
東方有金輪寶千輻不減轂輞具足光明照  
曜縱廣七肘純是真金大王時地天王見是  
事已即作是念我昔曾聞先舊人說若刹利  
灌頂王於十五日月圓滿時受齋之日沐浴  
洗頭剪除鬚鬢及除爪甲著不打衣以諸華  
鬘種種瓔珞天冠臂印環釧金栗莊嚴其身  
在高樓上姝女圍遶若於東方有金輪寶轂  
輞具足千輻不減而來應者當知是王定當  
得作轉輪聖王復作是念我今豈可作輪王  
耶我今當試大王亦時地天王即從坐起偏



袒右肩整理衣服右膝著地對輪合掌向彼  
天輪作如是言寶輪可下在地而住作是語  
已彼天寶輪從空下地住在王前時地天王  
即以妙香用塗其手勝妙好衣以拭輪寶以  
其右手接取輪寶置左手中復以右手摩拭  
其輪作如是言汝今應當降伏東方作是語  
已時金輪寶飛昇虛空左右旋轉即往東方  
至彼往昔轉輪王道其道平正布散諸華甚  
可愛樂輪所逕處皆悉平正無有高下以王  
福力河池井泉枯竭之處八功德水悉皆盈  
滿一切所有樹林花果枯悴之者悉皆敷榮  
已敷榮者更增鬱茂大王念時地天轉輪聖

王即與四兵隨輪而去輪寶若任王亦隨任  
王所至處所有國土大小諸王與其臣民各  
以金槃盛滿銀粟或以銀槃盛滿金粟奉迎  
大王各作是言善哉大王善來大王此諸國  
土安隱豐樂人民熾盛唯願大王受此國土  
攝化人民我等皆當奉給左右唯願止任爾  
時地天轉輪聖王告彼諸國王及臣民等作  
如是言我今不須國土寶物汝自受用汝今  
若欲隨順我者應離殺生亦莫偷盜亦莫邪  
淫亦莫妄語亦莫兩舌亦勿惡口亦莫綺語  
亦莫貪欲亦莫瞋恚亦莫邪見汝等應當自  
任十善亦教他人令任十善我則知汝歸從  
於我受我教勅我觀汝等猶如我子汝等常  
應供養父母師長及諸沙門婆羅門等莫作



於我受我教勅我觀汝等猶如我子汝等常  
應供養父母師長及諸沙門婆羅門等莫作  
非法不善惡行亦勸他人令行善法若能如  
是我知汝等一切國土所有人民悉皆歸從  
降伏於我又復告言汝等常應孝養父母恭  
敬師長及諸沙門諸婆羅門莫作非法不善  
惡行亦勸他人令行善法若能如是我知汝  
等一切國土所有人民悉皆歸從降屬於我  
尔時聖王及諸四兵如是漸漸度於大海降  
弗婆提過盡人境輪寶乃住如是乃至南西  
北方及鬱單越悉降伏已度彼北海盡人境  
已王及輪寶還閻浮提本宮門上在虛空中

停住不動尔時地天轉輪聖王如是降伏四  
天下已還閻浮提即便止住地天大王及與  
輪寶還來至此閻浮提時彼四天下變成七  
寶端嚴殊特何謂七寶所謂金銀琉璃頗梨  
碑磔赤珠碼碯尔時輪寶於四天下周迴旋  
轉已一切地獄畜生餓鬼八難消滅於四天  
下所有一切不善惡聲悉皆除滅況有造作  
諸惡業者何以故皆是地天聖王本願力故  
又復輪寶周旋轉時四天下中不假種植處  
處皆生自然秔米淨無糠糲又復輪寶周旋  
轉時四天下中自然而生天樹寶衣又復輪  
寶周旋轉時四天下中一切病患悉皆除愈



唯除三患何等爲三一者求欲二者段食三者衰老又復輪寶旋轉之時四天下中所有人民壽千萬歲又復輪寶周旋轉時四天下中一切人民所有苦惱自然消滅如是等無量無邊希有不可思議之事出現於世今時地天大王復於久時作如是念我今於此受諸快樂五欲衆具頗更有處勝此以不復自思念我昔曾聞須彌頂上有三十三天五欲資具其事云何今時地天大王未除愛欲猷惡人間所有五欲資財之具欣彼天中上妙之樂我今寧可往彼天上今時地天大王作是念已王及四兵忽然之頃至忉利天今時帝釋

遙見地天大王作如是言善來大王善哉大  
王即分半座命王令坐王即就坐尔時地天在  
彼天上經無量百千歲分位而治尔時地天  
大王復於尔時生大貪心作如是念我今應  
當退彼天主獨為天王作是念已即從帝釋半  
座而墮并及四其至閻浮提安隱城中尔時

地天大王久在天上受勝妙樂心生耽樂忽至  
人間不能堪受人中資具身心沉沒猶如醜  
醐置熱沙中尋即消化莫知所在地天大王  
身心沉沒不能堪忍人中所有飲食精氣亦  
復如是尔時地天大王身心疲頓而說偈言  
諸王太自在 不能除渴愛 如乾草遇火



是故應捨欲  
如渴飲鹹水  
終無有滿足  
如火焚草木  
終無有滿足  
聞聲亦如是  
受香無簡擇  
如杓撓美食  
亦無於止足  
如是行欲人  
未曾有厭足  
如夢中飲水

常行於婬欲  
終不能除渴  
愛欲亦如是  
無有厭足時  
猶如深谷響  
亦無休息時  
嗅香亦如是  
終無知止足  
如鏡現面像  
於欲無厭足  
身常受諸觸  
終不能除渴

未曾滿足時  
如衆流歸海  
曾無滿足時  
愛欲亦如是  
隨聲無休息  
亦如盛香篋  
亦無有厭足  
舌貪嗜美味  
亦無有厭足  
如虛空受風  
終無厭足時  
意所受諸法

亦無有厭足

貪求愛欲人

復增長愛欲

觀於諸境界

愛無厭足時

見欲增苦惱

猶如火焚薪

滅除諸愛欲

亦如水滅火

佛言大王汝知尔時地天大王豈異人乎大

王當知勿作異觀地天王者即我身是大王

當知彼地天大王往昔之時豪富自在貪求

無厭遂便命終何以故諸根無厭境無能滿

諸根如鏡境如光影諸根如幻境界如夢大

王應當安心此法深自觀察勿隨他教大王

此法乃是過去未來現在諸佛世尊無上菩

提大王應當遠離一切豪貴應當消竭一切

渴海倒橋慢山遠離一切衰禍於一切法平



等非一切凡夫地亦非聲聞之所能行又非  
一切緣覺境界乃是一切菩薩所行一切諸  
佛正覺所證王當安心勿令散亂應作是念  
我當云何於未來世一切世間天人之中得  
為燈明為炬為光為船為導為師得為商主  
為首為無上自度度彼自脫脫彼自安安彼  
自得涅槃令他涅槃大王莫觀先際所更豪  
富自在大王當知諸根如幻無有猷足無能  
滿者境界如夢不能令滿佛言大王過去有  
王名曰頂生有大威德有大神足有大威勢  
從父烏哺沙王頂上而生又積善根曾見無  
量無數諸佛修諸善根於諸世尊恭敬供養

積集善本於四天下豪貴自在大王時頂生  
王灌頂受位七日已得七寶具足爲轉輪王  
何者爲七一者金輪寶千輻不減轂輞具足  
自然而有縱廣七肘而來應之二者白象寶  
六牙具足七枝拄地白如雪山自然而至三  
者馬寶其色紺艷而來應之此上象馬從旦  
至食於四天下周遍八方盡大海際還住本  
處四者珠寶寶大如人髀純青琉璃其光照曜  
周帀八方各一由旬五者長者寶豐饒財寶  
巨富無量隨王所念皆能辦之自然而應六  
者玉女寶形容端正微妙第一不長不短不  
白不黑身諸毛孔出栴檀香口氣淨潔如青



蓮華其舌廣大出能覆面形色細薄如赤銅  
鑱身體柔軟猶如無骨冬溫夏涼其心慈悲  
常出軟語以手觸王即知王心所念之處七  
者主兵寶自然而出勇猛策謀武略第一預  
知王心七日所念善知四兵鬪戰之法未集  
者令集已集者令散千子具足勇健端正能  
降怨敵大王介時頂生轉輪聖王七寶具足  
王四天下如法化世令四天下豐樂安隱人  
民熾盛城邑聚落次第相近雞飛相及介時  
大地一切無有沙礫荆棘多饒衆寶具足無  
量園林泉池端嚴殊妙甚可愛樂何以故皆  
是頂生聖王安任法力當介之時若天若人

受欲樂中最為第一大王。尔時頂生大王所住之城名阿踰闍。其城東西十二由旬，南北長七由旬。其城七寶衆寶羅網，彌覆其上。懸衆寶鈴。其城內外種種莊嚴，悉皆如上。無量稱王寶莊嚴城等，無有異。亦如忉利得勝之堂。大王頂生大王造三種殿：一名月出殿，於盛夏熱時王居其中；其第二殿名毗琉璃藏，於春月時王居其中；其第三殿名曰威德起，於冬寒時王居其中。尔時頂生與玉女寶并諸嫫女前後圍遶，入月出殿時身體清涼，猶如牛頭栴檀塗其身體。王與眷屬前後圍遶，若入彼毗琉璃殿時，身心調適，猶如多摩羅。



葉香用塗其身大王其頂生大王復與眷屬  
姝女圍遶入彼日威德殿時身體和煖猶如  
沉水香用塗其身入彼殿時身體和煖亦復  
如是大王是頂生王隨欲自在令諸殿等隨  
其時節而生樂觸隨意出風隨意出雨種種  
音樂隨意而至資生所須亦隨意現大王亦  
時頂生於其宮內七日之中天雨金銀過七  
日已作如是念甚竒希有思議如此清淨之  
業所獲果報隨意而現充滿我意福德所致  
無差違也誰有得見如是果報於修福德而  
生知足大王頂生聖王於閻浮提經百千歲  
已作如是念我今於此閻浮大洲安隱豐樂

人民熾盛悉皆歸屬於我宮內七日雨寶我  
今當往西瞿陀尼作是念已頂生大王即與  
四兵上昇虛空從閻浮提漸次至彼西瞿陀  
尼王既至彼於無量百千歲在彼王領頂生  
大王依報過人未得天報大王頂生聖王於  
瞿陀尼隨意雨寶滿其宮內如閻浮提等無  
有異大王亦時頂生復於後時作如是念我  
王閻浮提豐樂安隱人民熾盛又於宮內隨  
意雨寶此瞿陀尼亦皆安隱豐樂人民熾盛  
又於宮內隨意雨寶我今亦知東有大洲名  
弗婆提我今當往作是念已即與四兵俱昇  
虛空從瞿陀尼漸次而往東弗婆提王既至



彼於弗婆提止住王領無量千歲受五欲樂  
依報過人未得天報大王頂生聖王於弗婆  
提隨意雨寶滿其宮內如閻浮提等無有異  
大王亦時頂生復於後時作如是念我閻浮  
提豐樂安隱人民熾盛又於宮內隨意雨寶  
及瞿陀尼亦皆安隱豐樂人民熾盛亦於宮  
內隨意雨寶此弗婆提皆悉安隱豐樂人民  
熾盛亦於宮內隨意雨寶我今亦知北有大  
洲名鬱單越其中人民無我我所雖復如此  
我當往彼自試眷屬頂生大王作是念已與  
其四兵俱昇虛空從弗婆提漸次而往北鬱  
單越王既至彼於鬱單越無量千歲教誡眷

屬復於久時作如是念我閻浮提豐樂安隱  
已雨七寶及瞿陀尼人民熾盛安隱雨寶東  
弗婆提亦皆如是隨意雨寶此鬱單越悉亦  
安隱我曾聞有三十三天住須彌頂我今當  
往躬自觀之尔時頂生作是念已即與四兵  
俱昇虛空往須彌山頂當尔之時釋提桓因

與三十三天集善法堂論人天事尔時帝釋  
遙見頂生從遠而來即出迎之作如是言善  
來大王善來至此即分半座命王令坐王即  
就座時頂生王坐半座時即有十種勝事映  
蔽諸天何等為十一者壽命勝天二者容色  
勝天三者名稱勝天四者受樂勝天五者王



領自在勝天六者形貌勝天七者音聲勝天  
八者香氣勝天九者食味勝天十者細觸勝  
天大王亦時頂生與彼帝釋形容相貌行動  
威儀等無差別飲食衣服資生之具悉無有  
異唯有視瞬爲別異耳而諸天等分別識知  
天王人王二種之別佛言大王甚竒希有帝  
釋頂生人天旣別形容相貌等無有異大王  
當知福德之力其事如是誰於福德而生足  
也大王亦時頂生於忉利天無量千歲爲增  
上自在大王亦時頂生於四天下豪富自在  
復於忉利天上豪富自在帝釋分治猶不厭  
足復作是念我今寧可獨爲天主何用帝釋

宜應退之大王。尔時頂生作是念：已從天退下，還閻浮提於阿踰闍城最上園中。王當下時，威光照曜遍閻浮提一切諸方，映蔽日光，亦如日出，月無光明，日光在空，無復光明。王光映蔽，亦復如是。如日輪出，映蔽月輪，頂生威光映彼日輪，亦復如是。大王尔時阿踰闍城人出城遊觀，見彼頂生，并及四兵從天而退，墮其園中。彼人見已，恠未曾有，即入城中，遍告城人言：今有天子，并及四兵從空而下，墮彼王最上園中。大王尔時城中王及臣民，辨具種種歌舞伎樂、塗香末香、寶幢幡蓋、華鬘瓔珞，身體衣服悉皆清淨，速疾出城詣彼園。



中大王亦時頂生從天墮時一切大地六種  
震動當亦之時一切人中所有莊嚴最勝妙  
香用塗其身悉至園中頂生王所亦時頂生  
耽著天中上妙資產不能堪忍人中資具所  
有香氣沉憒在地喻如生蘇醍醐投極熱沙  
中不得停住亦時頂生沉憒不住亦復如是  
亦時城中王及臣民內外人衆見頂生王在  
彼園中沉憒在地即便問言天爲是誰亦時  
頂生即告彼王及諸人民言汝昔曾聞有頂  
生大王不亦時國王及諸人民咸皆答言我  
昔曾從耆舊人所聞有大王名曰頂生不捨  
人身將諸眷屬并及四兵而昇天上亦時頂

生告諸人言昔頂生者我身是也我及四兵  
從天而墮尔時國王及城内外所有人衆即  
以偈頌問頂生曰

我從舊人所聞有威德王号名曰頂生

極有大名稱己身及四兵從此昇天上

并及諸眷屬法王如法治人天勝王言

無常力所害退天樂受苦頂生者我是

諸人皆合掌頂禮大王足有何希有事

未來當傳說從天而退者受苦王說言

汝聽希有事欣樂莫放逸頂生大王者

統領四天下受樂過天人欲無馱致死

於其後宮内七日雨珍寶如法治天下



欲無猷而死

與彼天帝釋

分半座而坐

惡覺所惱亂

多欲故退墮

於其生死海

無智故沉沒

樂著五欲者

天欲無猷死

如渴夢飲水

不能除其渴

受五欲亦爾

終無有猷足

智慧諸眾生

斷除愚癡闇

彼智者知足

正觀諸有趣

智觀察有趣

慧見老病死

斷除諸渴愛

捨有趣無著

觀觸如火燒

便捨於渴愛

觀受亦如是

知愛是非善

如擊眾音樂

根境界亦然

聖教中調伏

能捨根自性

一切五種人

從於名色生

識於中分別

則生於思覺

聖者作是觀

於趣有不著

智者慧滿足

證滅如薪盡

頂主向彼王

臣民說是已

示諸有無常

即便取終沒

佛告大王汝知尔時頂生王者豈異人乎勿  
作異觀莫生疑惑我身是也我昔曾為頂生  
王時統領人天豪貴自在貪欲無厭而取終  
沒是故大王應捨豪富憍慢自在住不放逸  
若能住於不放逸行人即能修諸善根大  
王若不放逸者復能入於法界平等大王若  
人能離放逸者成就利益大王有為無為界  
非男非女非過去非未來非現在大王當於  
此法安住自心勿隨他教大王此法乃是過  
去未來現在諸佛世尊無上菩提大王應當



遠離一切豪華消竭一切渴海倒憍慢山遠  
離一切衰禍於一切平等非一切凡夫地亦  
非聲聞之所能行又非一切緣覺境界乃是  
一切菩薩所行一切諸佛正覺所證王當安  
心勿令散亂應作是念我當去何於未來世  
一切世間天人之中得為燈明為炬為光為  
船為導為師得為商主為首為無上自度度  
彼自脫脫彼自安安彼自得涅槃令他涅槃  
大王觀先際所經豪華自在大王當知諸根  
如幻無有馱足無能滿者境界如夢不能令  
滿大王過去有王名曰尼弥了達諸法如法  
為王重不放逸若所作事離諸放逸大王是

尼彌王常觀三世平等又觀一切諸法猶如  
三世平等觀過去一切諸法遠離自性觀未  
來一切諸法遠離自性觀現在法亦復如是  
遠離自性大王彼尼彌王觀一切三世法平  
等已於諸法不生取著彼尼彌王觀一切世  
間爲四顛倒之所顛倒於不淨法中而起淨  
想於苦法中而生樂想於無常法中而起常  
想於無我法中而生我想見世如是便作是  
念世間敗壞甚大敗壞如此衆生一切諸法  
自性空寂而不覺知大王今時尼彌王復作  
如是念我當以四攝法攝諸衆生若我四法  
攝衆生者是諸衆生隨順於我受我言教今



時尼彌大王先作是方便已即以四攝攝諸  
衆生攝諸衆生已尼彌大王即教人民一切  
諸法平等作如是言汝諸衆生一切諸法離  
於自性若一切法離自性者彼法亦非過去  
非未來非現在何以故彼法自性無實故若  
法離自性者彼法亦不可說是過去未來現  
在大王亦時彼尼彌王於彼衆生所教是三  
世平等法已彼諸衆生八十千万那由他無  
量百千衆生得無生法忍大王亦時三十三  
天在善法堂聚集而坐作是議言善哉善哉  
鞞提呵國人大獲善利是尼彌王解了諸法  
如法爲王具足方便於顛倒衆生所以善方

便示不顛倒法也。尔時釋提桓因在於餘處去善法堂遠，即以天耳聞彼天說聞已，尋來詣善法堂就座而坐。既就座已，問彼天言：汝諸天等在善法堂何所論說？作是問已，時諸天等報帝釋言：唯然，天主聽我所說。我等向來集善法堂所論之事，說彼鞞提呵國人善

得利益。是旃弥王解了說法如法，為王具足方便於顛倒衆生，所以善方便示不顛倒法也。所謂顯示諸法自性，彼諸天等作是語已。尔時帝釋報諸天子作如是言：是旃弥王具足成就不可思議善巧方便。汝等在此初利天上，欲得見彼旃弥王。尔時諸天咸皆同聲



作如是言唯然天主我等在此欲得見彼左  
弥大王介時帝釋天主即告御臣名摩多梨  
言汝當前來可莊嚴備諸天千馬寶車往閻  
浮提鞞提呵國尼弥王所說如是言此是諸  
天千調馬車遣來迎王唯願大王昇此寶車  
勿生怖畏三十三天悉皆願樂欲見大王若  
上車已作如是言大王我今將王從何道去  
詣彼天上爲從住顛倒地衆生道而去爲從  
住不顛倒地衆生道而去也介時摩多梨答  
帝釋言唯然受教聞此語已即便嚴備千調  
馬車自昇其上從彼忉利下閻浮提至鞞提  
呵國尼弥王所語尼弥王作如是言忉利諸

天今送千調馬車王可昇車勿生怖畏忉利  
諸天願樂見王今時尼弥大王以無畏心便  
即登之既昇車已摩多梨作如是言我今將王  
從何道去為從住顛倒地衆生道去為從住  
不顛倒地衆生道去王即報言汝可將我從  
彼二道中間而去今時摩多梨即將尼弥王  
從顛倒地衆生所不顛倒地衆生所二處而  
去大王今時尼弥王語摩多梨言汝可少時  
停車而住我當觀彼顛倒衆生所住之處時  
摩多梨即受王教暫止馬車今時尼弥王於  
少時間令八十千万衆生安住見實三昧中  
何以故是王於少時間令如是衆住見實三



昧中此王善習不放逸行故令此衆生任三  
昧者於後悉得無生法忍是時摩多梨都不  
覺知王所爲作介時摩多梨又復將王到須  
弥頂介時尼弥王遙見青茂叢林告摩多梨  
言彼林定是不顛倒衆生所居之處摩多梨  
言大王此是忉利諸天善法之堂彼忉利天  
衆集在堂上欲得見王惟願大王勿生怖畏  
當昇此堂介時尼弥王心不恐懼便昇堂上  
介時帝釋遙見尼弥王來即作是言善來大  
王便分半座命王令坐時尼弥王即就帝釋  
半座而坐介時帝釋即以美言共相慰問言  
大王快獲善利能令佛法熾然增長介時帝

釋向忉利天衆作如是言此尼彌王成就具足不可思議善巧方便是王於少時間能令八十千萬衆生住佛法中然摩多梨都不覺知余時尼彌王即為忉利諸天廣說種種勝妙之法利益天衆已白帝釋言我今欲得還閻浮提何以故於閻浮提為欲護持佛正法故帝釋報言今正是時復勅御臣摩多梨言汝可還駕千調馬車送尼彌王還歸閻浮提其尼彌王到閻浮提已成就大慈善巧方便令無量衆生安住佛法大王莫作異疑勿生異觀昔尼彌王者我身是也大王當觀不放逸力難可思議尼彌大王昇帝釋座尚無貪著



是故大王於佛法中當勤精進修不放逸大王何謂佛法大王一切諸法皆是佛法尔時淨飯王聞此語已即白佛言若一切法是佛法者一切衆生亦應是佛佛言若不顛倒見衆生者即是其佛大王所言佛者如實見衆生也如實見衆生者即是見實際實際者即是法界大王法界者不可顯示但名但俗但是俗數但有言說但假施設應如是觀大王一切法無生此是陀羅尼門何以故此名陀羅尼門於此一切法無動無搖無取無捨是名陀羅尼門大王一切諸法不滅是陀羅尼門何以故不滅是陀羅尼門於中一切法無

動無搖無取無捨彼陀羅尼門無有相貌無  
有自性無可施設無作無造無來無去無衆  
生無命無人無養育非對治無形無狀無纏  
無離無穢無淨無愛無憎無縛無解無命者  
無出無退無得無住無定無亂無知非無知  
非見非不見非戒非犯非悔非不悔非喜非  
不喜非猗非不猗非苦非樂非定非不定非  
實非倒非涅槃非不涅槃非愛非離愛非見  
非不見非解脫非不解脫非智非不智非視  
非不視非業非不業非道非不道大王應當  
以此六十七法門入一切法大王是色自體  
非曾有非當有非今有如是受想行識體性



亦復如是。非曾有非。當有非。今有大王。如鏡  
中像。非有非。無是色體性。亦復如是。非曾有  
非。當有非。今有受想行識。亦復如是。非曾有  
非。當有非。今有大王。譬如響聲。非曾有非。當  
有非。今有大王。如是色體性。亦復如是。非曾  
有非。當有非。今有受想行識。亦復如是。非曾  
有非。當有非。今有大王。譬如陽焰。非曾有非。  
當有非。今有是色體性。亦復如是。非曾有非。  
當有非。今有大王。譬如聚沫。無有堅實。非曾  
有非。當有非。今有是色體性。亦復如是。非曾  
有非。當有非。今有大王。如是受想行識。體性  
亦復如是。非曾有非。當有非。今有大王。譬如

夢中夢見國中。最勝女人。是夢所見。亦非曾  
有。非當有。非今有。是色體性。亦復如是。非曾  
有。非當有。非今有。如是受想行識體性。亦復  
如是。非曾有。非當有。非今有。大王譬言。如石女  
夢見生子。是夢所見。亦非曾有。非當有。非今  
有。是色體性。亦復如是。非曾有。非當有。非今  
有。如是受想行識。亦復如是。非曾有。非當有。  
非今有。大王色無所依。乃至識亦無所依。大  
王譬如虛空無所依。如是大王色無所依。乃  
至識亦無所依。大王色無有生。乃至識亦無  
有生。大王色無有滅。乃至識亦無有滅。大王  
如涅槃界。無有生。亦無有滅。大王如是色亦



無生無滅乃至識亦無生無滅大王譬如法  
界亦無生無滅大王如是色亦無生無滅乃  
至識亦無生無滅如是大王一切法是如來  
境界不可思議亦是如來境界不共法亦是  
如來境界不共一切凡夫境界故是故一切  
聲聞緣覺不毀不讚不得不失非覺非不覺  
非知非不知非識非不識非捨非不捨非修  
非不修非說非不說非證非不證非顯示非  
不顯示非可聞非不可聞何以故大王彼法  
無有如是法可得扶舉可得摧倒何以故一  
切諸法離自性故大王今可於此法中而安  
其心深觀此法勿信於他尔時淨飯王作是

念於諸法中無法可得無有如是法得證是  
法号為佛者諸法實不可得佛為衆生但假  
言說尔時世尊說是法時淨飯王等七万釋  
種得無生法忍尔時世尊知諸釋種得深信  
已而現微笑尔時慧命馬勝比丘以偈問曰  
大雄尊導師  
為世現微笑  
唯願世明炬

演說微笑事  
願說彼笑因  
而現微笑瑞  
得聞大雄說  
安任佛法中  
堅固任誓願

十力一切智  
断世諸疑網  
為諸人天衆  
世間離諸疑  
世尊諸子等  
智慧心必通達

何因現微笑  
佛為釋衆故  
速除諸疑網  
其心皆欣喜  
得知微笑事  
唯願尊導師



斷除大眾疑

眾等除疑已

必得廣大樂

今時世尊以偈答馬勝曰

我現寂滅笑

馬勝當諦聽

我今如實說

釋種決定智

諸法不可得

釋種皆得知

是故於佛法

決定心安任

名稱大釋種

依於無所得

當得上菩提

曉知一切法

人中命終已

此釋種決定

得生安樂國

面奉無量壽

任安樂國已

無畏成菩提

能趣十方界

供養無量佛

安任一佛土

能供十方佛

愍諸眾生故

而求無上道

遊歷諸佛國

供養彼佛等

皆已神力到

隨佛所出處

無量僧祇劫

供養諸導師

以種種妙供

後當成佛道

一一成佛已

能度無量眾

今得成佛道

復化諸眾

彼國眾生輩

皆當成佛道

彼諸世尊等

不度聲聞眾

一一諸佛等

俱壽一劫歲

彼佛正法住

無量阿僧祇

彼佛滅度後

大智菩薩眾

持法化於世

億歲阿僧祇

彼諸佛子等

教化無量眾

置於無上道

說法悉空寂

令住不放逸

修集空寂法

能得一切智

樂不放逸輩

聞是釋種趣

世尊所說者

天人咸欣喜

志求於佛道

今時世尊告慧命舍利弗舍利弗此是菩薩

見真實三昧汝當為阿毗跋智諸菩薩說之




何以故舍利弗此三昧不可得說而如來於  
彼三昧中不得一法若不得者彼不可覺若  
不可覺者彼則不可說若不可說者彼則不  
可知彼不可知者即是過去未來現在諸佛  
之法舍利弗我今付囑於汝此是菩薩見實  
三昧應當受持讀誦廣為顯說舍利弗若有  
善男子善女人住大乘者經歷十劫修行五  
波羅蜜離般若波羅蜜若復有人得聞是菩  
薩見實三昧者所得福德復過於彼若復有  
善男子善女人暫聞菩薩見真實三昧若復  
有人得聞是菩薩見真實三昧已為一人說  
者此人得福復勝於彼若復善男子善女人

經歷十劫聞已為他解說若復有人乃至一  
刹那間脩此菩薩見真實三昧者所得福德  
復過於彼是故舍利弗汝應以此菩薩見真  
實三昧經為諸菩薩說教示修行舍利弗若  
修此菩薩見真實三昧者當獲無生法忍舍利  
弗於此會中我所授記無上道中諸菩薩者  
悉得安住此菩薩見真實三昧中是時一切  
諸菩薩聲聞天人一切大眾阿脩羅乾闥婆  
人非人等聞佛所說欣喜奉行

大寶積經卷第七十六







猪飼順良寄附



